

Alþingi
Erindi nr. P 128/715
komudagur 9.1.2003



**ÁFENGIS- OG
VÍMUVERNARÁÐ**

Allsherjarnefnd Alþingis
Þórshamri v/Templarasund
150 Reykjavík

Reykjavík, 6. janúar 2003

Efni: Umsögn um frumvarp til laga um breytingu á lögun nr. 96/1995, um gjald á áfengi og tóbaki. Þskj. 41 - 41. mál, 128. löggjafarþing 2002 - 2003.

Áfengis- og vímuvarnaráð styður frumvarpið sem fjallar um það að hækka hlutfall af innheimtu áfengisgjaldi sem rennur í Forvarnasjóð. Um nánari rökstuðning vísast til umsagnar um þingsályktunartillögu um eflingu félagslegs forvarnastarfs, þskj. 40 - 40. mál 128. löggjafarþing 2002 - 2003.

Ráðið varar þó við að litið sé á þessa hækkun sem leið til að standa straum af „sérstöku átaki“ til að efla félagslegt forvarnastarf. Reynslan sýnir að skammvinn átök hafa í besta falli takmörkuð skammtímaáhrif. Árangursríkt forvarnastarf þarf að áætla varanlega og markvisst til lengri tíma.

Virðingarfyllt,

Þorgerður Ragnarsdóttir
Áfengis- og vímuvarnaráð,

Þorgerður Ragnarsdóttir, framkvæmdastjóri

Alþingi
Erindi nr. P 128/594
komudagur 9.12.2002



Nefndasvið Alþingis
Austurstræti 8-10
150 REYKJAVÍK

HEILBRIGÐIS- OG
TRYGGINGAMÁLARÁÐUNEYTIÐ

Laugavegur 116, 150 Reykjavík
sími: 545 8700, bréfasími: 551 9165
postur@htr.stjr.is · www.heilbrigdisraduneyti.is

Reykjavík 4. desember 2002

Tilvísun: HTR02110197/0030/MS/--

Við er til bréfs allsherjarnefndar Alþingis dags. 25. nóvember 2002 ásamt meðfylgjandi frumvarpi til laga um gjald af áfengi og tóbaki, 41. mál, forvarnasjóður.

Í bréfi allsherjarnefndar er leitað umsagnar heilbrigðis- og tryggingamálaráðuneytisins um áðurgreint frumvarp.

Ráðuneytið telur ekki tilefni til að gefa umsögn að svo stöddu þar sem heilbrigðis- og tryggingamálaráðherra mun tjá sig um frumvarpið í umræðum á Alþingi ef þurfa þykir.

F.h.r.

Ragnheiður Haraldsdóttir

ÍSÍ ÍPRÓTTA- OG ÓLYMPIÚSAMBAND ÍSLANDS

THE NATIONAL OLYMPIC AND SPORTS ASSOCIATION OF ICELAND

Íþróttamiðstöðinni Laugardal, Engjavegi 6, 104 Reykjavík.

Sími/Tel. +354 514 4000, Fax +354 514 4001, isi@isisport.is, www.isisport.is



Alþingi
Erindi nr. P 128/695
komudagur 16.12.2002

Allsherjarnefnd Alþingis
Austurstræti 8-10
Reykjavík 104

Reykjavík 16 desember 2002

**v/ frumvarp til laga um gjald af áfengi og tóbaki, 41. mál,
forvarnarsjóður**
v/ tillaga til þingsályktunar um eflingu forvarnarstarfs

Framkvæmdastjórn Íþróttá- og Ólympíusambands Íslands hefur fengið ofangreind þingmál til umsagnar og er þeim svarað hér með einni umsögn, þar sem þau eru um skylt efni.

ÍSí getur fallist í meginatriðum á nauðsyn þess að skipuleggja og gera áætlanir um eflingu félagslegs forvarnarstarfs. Notkun ávana- og fíkniefna er mikill vághestur, sem samfélagið og stjórnvöld verða að sporna gegn af öllum mætti. Það viðnám verður ekki veitt, nema til þess fáist fé, og forvarnarsjóður er góðra gjalda verður.


Hinsvegar er það skoðun ÍSí, að fjármuninum sé best varið og þeir komi að mestum notum, með beinum og milliðalausum framlögum til þeirrar félagslegu starfsemi, sem rekin er í landinu og er í eðli sínu forvarnir. Að því er íþróttastarfsemina varðar er hún ein samfelld forvörn með tilveru sinni og tilvist, athvarf æskunnar, og stuðlar að heilbrigðri tómstundaiðju og hreyfingu, sem er sterkasta og áhrifamesta andstæðan við óreglu hverskonar. Íþróttahreyfingin hefur aldrei fengið styrk úr forvarnasjóði (þrátt fyrir umsóknir) og meðan sú stefna ríkir hjá ábyrgðarmönnum þessa sjóðs, er auðvitað verið að sniðganga þá æskulýðsstarfsemi sem mest og best nýtist sem forvörn gegn notkun ávana og fíkniefna.

ÓLYMPIUFJÖLSKYLDAN

Ef fjárveitingarvaldið felst á að taka hluta af innheimtu áfengisgjaldi og láta það renna til forvarnarmála, þykir undirrituðum f.h. framkv.stj. ÍSí eðlilegast og hreinlegast að láta það fé ganga beint til þeirrar starfsemi í landinu, íþróttastarfseminnar, sem hefur það að opinberu markmiði sínu að bægja æskufólki frá óreglu.

Framkvæmdastjórn ÍSí styður þingsályktunar tillöguna um gerða rammaáætlunar en lætur það liggja á milli hluta, hvort hluti af áfengisgjaldi verði látinn renna í forvarnarsjóð, meðan sá sjóður telur það ekki hlutverk sitt að láta fé af hendi rakna til íþróttahreyfingarinnar, þrátt fyrir að hún sé öflugustu og langstærstu félagslegu samtökin í landinu, sem vinna árið um kring að forvörnum.

ÍPRÓTTA- OG ÓLYMPÍUSAMBAND ÍSLANDS



Ellert B Schram
forseti ÍSí

Alþingi
Erindi nr. P 128/691
komudagur 18.12.2002



LÆKNAFÉLAG ÍSLANDS
ICELANDIC MEDICAL ASSOCIATION

Nefndasvið Alþingis
Austurstræti 8-10
150 Reykjavík

Kópavogi, 12. desember 2002

**Efni: Umsögn um frumvarp til laga um gjald af áfengi og tóbaki, 41. mál,
forvarnarsjóður og um tillögu til þingsályktunar um eflingu félagslegs
forvarnarstarfs, 40. mál.**

Læknafélag Íslands styður almennt forvarnarstarf en tekur ekki efnislega afstöðu til þeirrar leiðar sem bent er á í ofangreindu frumvarpi til laga og þingsályktunartillögu. Læknafélaginu er ekki ljóst, hvort viðeigandi sé eða líklegt til árangurs, að þeim fjármunum, sem tilgreindir eru í tillögunni, sé best varið til þeirra verkefna, sem tillagan tekur til.

Virðingarfyllst,
f.h. Læknafélags Íslands

Sigurbjörn Sveinsson
formaður